

江

西

詩

徵

江西詩徵卷五十一

南城曾煥賓谷編輯

明

何喬新

喬新字廷秀一字天苗廣昌人文淵子潛心濂洛之學景泰五年進士由南京禮部主事歷刑部尚書執法不阿爲時相劉吉所忌致仕贈太子太保謚文肅著有椒邱集及朱元史臆見策府羣玉諸書

讀曾南豐詩

韓公歿已久詩道日陵夷豈識渾雅作徒逞妖媚詞有如

江西詩徵

卷五十一

明十三

苔砌蛩竟夕鳴聲悲又如倡家婦粉黛飾陋姿寥寥數百  
載夫子起紹之一掃西崑陋力追騷雅遺峻如登華岳石  
磴何嶽嶠壯如雷電驚白晝騰龍螭清如方塘水風靜綠  
漪漪澹如空桑瑟枯桐繩朱絲雄拔追李杜奇澀薄宗師  
金陵與六一嗟賞無異辭羣兒厭黍稷相與甘糠糜黃口  
恣凌詬顧謂不能詩豈知韓公後何人能庶幾想當揮翰  
時元氣益淋漓渾涵實天造顧豈推敲爲我願寫萬本卑  
卑喻羣兒千周燦彬彬大音初可窺欲造風雅域斯文乃  
階梯曷哉追古作峻途極攀躋毋爲拾紅紫點綴鬪妍媸

謁李忠定公祠

宋故丞相李忠定公世家樵川其精忠大節史載

之詳矣使公之言用於靖康之初徽欽必無北狩  
之辱使公之言用於建炎之際高宗必無蹈海之  
危讒邪交作而公竟歿貶所嗚呼哀哉予謁公之  
祠感公之忠節慨嘆之餘情不能已故賦之

孤狐升御座黑霄翳炎精敵騎忽南下長驅無堅城廟堂  
無遠畧金幣但乞盟我公抱忠憤抗疏請親征內選環衛  
士外召勤王兵醜敵聞褫魄逡巡爲徙營羣邪互擠排不  
顧皇穹傾公謀旣不用敵勢益憑憑陵青城駕不返哀恨徒  
嚶嚶建炎初嗣統起公秉鈞衡拳拳復三鎮汲汲返汴京  
慷慨陳十策炳焉如日星國勢稍張皇敵酋咸震驚汪黃  
苦相忌投荒復南行犬馬據宸極神龍幽敵庭公轅不復

江西詩傳 卷五十一  
北河洛汚羶腥皇天不憖遺騎箕上青冥此邦公故里遺  
廟儼儀刑神遊三百禩英氣凜如生升堂展拜謁溪毛薦  
芳馨思公不可見頰仰清淚零

潞城懷古

朝出上黨城晝抵嬰兒國民俗固質野原田亦磽瘠西望  
荆卿墳蒼然閔榛棘衛公有遺祠繪事儼冠舄我懷馮野  
王自少謹脩飭雖云世所賢衆枉紛忌直初焉斥藩邦繼  
乃困徽纆積善元有慶伊人死讒慝天道良悠悠古今同  
太息我欲訪松楸剪雜加培植空原渺無覩悵望淚沾臆

武鄉懷古

武鄉古名縣孤城瞰漳水漳流日奔騰雉堞半淪圯居民

百餘家築室傍山趾我來賑飢羸周覽臨漳浹石勒城久  
荒淒迷暮煙紫當時逞桀逆所過生荆杞襄國旣稱孤歸  
來宴鄉里此鄉比豐沛夸談曾不耻寧知二紀餘竟作若  
敖鬼榮華詎幾時起沒浮漚爾何如金稔侯英名照青史

巡黃花鎮

驅車出東郭行行指邊城是時歲向暮陰靄晝晦冥驚風  
號枯柯寒鳥鳴嚶嚶中官候道左邊帥戎服迎旌旂紛旖  
旖劍戟亦縱橫閱兵黃花鎮駐節驢安營山路石礪礪斷  
溪水始凝羸馬鞭不前僕從皆涕零昔賢畏險道我胡不  
自寧敵氛正湧洞詎敢憚遐征三陟記嚴寒尚慮稽王程  
安得霍嫖姚一掃邊塵清

金陵書事

漢江南匯處云是古邗鄉風氏遺封在茶翁舊井荒五華  
飄暖翠三滢滢晴光名宦懷仁傑賢藩憶子良俗淳民訟  
簡政峻吏書忙水國舟爲市漁家葦作檣春深菱筍美秋  
晚稻花香菱芡充常貢魚鰕售遠商茅簷晨霧重蓮蕩午  
風涼犬吠蘆汀月雞鳴蓼岸霜鳧鷖晴泛泛葭菼暮蒼蒼  
最愛停舟處漁歌送夕陽

真氏女

真文忠公之裔孫當元時仕爲筦庫負官錢數十  
萬鬻其女以償久之流落倡家女以剛貞自持日  
隨其儕出惟歌雅詞吹洞簫而已狎客不敢犯姚

牧庵爲承旨嘗會客翰林院女以善歌往供奉牧  
庵聞其作闔語詢知其故而憐之告于所司脫其  
籍以嫁院吏黃逮逮後仕至顯官客有談其事者  
子因賦詩以紀之

妾本相門女少小顏如玉阿爺負官錢鬻妾以自贖詩書  
不復理學唱金縷衣當筵歌一曲贏得錦纏歸相君名世  
儒聞歌忽驚訝相問始知因矜憐重悲詫告官脫妓籍禮  
送歸名家紗窗理舊業肯復歌滄哇昔爲溷上花今作閨  
中秀長安遊冶郎詎敢窺窗牖羅裾與象掃淡然儒家粧  
良人詞苑吏不數羽林郎今宵復何宵三星正當戶喜極  
忽成悲潛然淚如雨幽蘭植糞壤芳潔常猗猗妾身猶處



子郎君當自知

偏頭關書事

金湯天設險形勝壯遐荒地控黃河  
阨山連紫塞長別營  
貔虎臥分陣鶴鵝翔羽檄通西極  
烽煙接朔方降蕃隨畜  
牧戍卒事耕桑土屋冬偏暖松棚  
夏獨涼樺林藏蟄獸麋  
隴走羣狼雲暗金笳急風高鐵騎  
強承恩司管鑰敷德輶  
戎羌聖化雖無外神州自有疆洗  
兵青海上秣馬黑山陽  
誓斬樓蘭首銘功答聖皇

秋懷

驚飈撼庭樹秋氣慘悲涼元鳥已  
遠逝羣鴻亦南翔幽人  
抱遐思攬衣起彷徨念昔少壯日  
志輕杜與房淹留竟何

成鬢髮條已蒼平津爲漢輔汲生老淮陽感彼積薪嘆悽  
然令心傷

月明秋院靜砧聲一何悲爲問搗衣者云是遊子妻昔君  
燕昵初不忍一夕違如何遠行役十載猶未歸淇上有游  
女郎鄆多妖姬容華雖可愛節義亦易虧君雖不我念妾  
志終不移願君一回慮追念合巹時

籬菊翹芳蕊井梧墮輕碧榮悴諒有時世情何役役寒蛩  
亦何求嘒嘒號永夕端居澹無營玩物聊自適春華雖可  
娛適口美秋實得馬未足欣亡羊亦非戚生年知幾何撫  
卷悼往跡乃知蒲圃擯不若道傍櫟

遊疊山亭和自立僉憲韻

元雲鬱四塞白日奄西淪敵馬忽飛渡長江猶平津先生  
起南服夙昔味道真援戈挽頽景力竭心徒勤六龍既浮  
海單騎乃來問關豺虎場號慟霜霰晨寧知造物者全  
節付斯人北轍竟不屈九死等一塵高節何所擬閩山碧  
嶙峋嗟哉師夔輩乃甘夷外臣浮榮今何如庭草秋復春

次文瑞僉憲遊鼓山韻

靈山何巖崑高瞰弱流東萬井喧俱寂諸天路可通松雲  
春黯黯花雨畫濛濛浴鳳池波冷潛龍石竇空祇園珠作  
室梵刹玉爲宮文物懷先哲胚胎想化工叨陪羣彥後並  
駕此山中細草承香轂垂楊繫玉驄沉煙凝瑞藹寶燄炫  
晴虹已喜朋簪盍還憐意味同繡衣來上客華悅侍羣童

對奕慙予拙論文羨子雄  
鶴隨飛珮舞花映醉顏紅  
綠業嗤禪伯風流仰謝公  
詩成鬼神護何必羨紗籠

倒馬關

漢代飛狐道今朝倒馬關  
危峯臨晉甸秀色接燕山  
倦翮飛難度羸驂去復還  
秋高笳吹急月冷柝聲閑  
路控八盤阨溪流九折灣  
雞鳴紅樹裏人住白雲間  
牙帳衝煙濕金戈過雨斑  
戍兵勞校閱仄徑厭躋攀  
烽火通荒徼塵埃變壯顏  
何當歸報命玉陛遣鸞班

太師定興張忠烈王旣葬嗣子英國公懋以宗伯邱  
先生所作平交南錄勒石墳前未幾隧道產芝一本  
人以爲忠孝所感

聖代開昌運名邦產偉人氣鍾嵩洛秀材軼鄂襄倫授鉞  
燕山曲宣威瀚海濱雲隨征騎動雪晃戰袍新紫塞咸歸  
歛烏蠻盡效珍疏封名數重頒祿寵光頻狂獍侵南部天  
兵出粵垠先機宏將略不殺體皇仁鵝觀敵關隘樓船富  
水津蝨弧來靡靡象陣走踈踈仗節誅克豎飛章諭叛民  
窮邊皆感化幽谷總回春畧地過銅柱班師覲紫宸節旄  
加將校錫賚逮宗姻史閣監脩日經筵侍講辰豈徒兼節  
制更喜展經綸虢闕周方叔憂勤漢祭遵臨戎常暨暨接  
上每申申邊馬俄南牧皇輿又北巡逝將殲頡利志欲殄  
軍臣殺氣凌孤壘腥風鼓戰塵平生思殉國此日竟捐身  
錫爵分元社銘功勒翠珉殊恩宜世享喜應亦駢臻隧道

平如砥華芝爛若銀澗含晨露重色映曙霞勻齋室欲  
瑞新豐表孝純慶源方混混奕世豈麟麟

獅峯寺次景澄韻

象宇臨幽境猊峰竦異形松雲侵榻冷竹露墮衣青嘆鶴  
驚晨鼓啼鶯亂畫鈴停車問民瘼淒楚不堪聽

安陸道中見老馬僵臥爲之慨然

壯歲從飛將橫馳北戍邊暮營嗚咽水曉飲鷓鴣泉曾送  
烏騅死仍驅赭汗旋風霜筋力憊僵臥楚山前

商王河東甲廟

遷國啟雄圖遺靈食舊墟明禋來郡邑禱賽走樵漁德業  
三宗後丹青百禩餘樂天嗟已矣誰爲補亡書

自樂天嘗  
補湯征篇

武寧關書事

烏道縈孤嶂，漁函未足多。  
馬肥秋出獵，士飽夜聞歌。  
殺氣浮朱戟，寒光晃玉珂。  
先聲聞漠北，驕敵自投戈。

郵亭偶書

古渡平蕪細雨長，  
亭垂柳輕煙詩景滿。  
前堪畫客懷何事，  
悽然

祖述聞雞起舞圖

洛陽雙鶴飛，  
狎天兵塵瀕洞如雲。  
煙將軍雅志翊皇極，  
聞雞起舞心茫然。  
晉陽有聰趙有勒，  
豺虎憑陵恣殘賊。  
中原大半染腥膻，  
誰向河南剪荆棘。  
嗚嗚夜半荒雞鳴，  
情知此聲非惡聲。  
披衣慷慨拔劍舞，  
英氣耿耿摩蒼冥。  
一舞龍光

競揮霍眼中已自無屠谷再舞頓挫騰雪霜欲殄鯨鯢清  
朔漠可憐瑯琊無遠圖謾憑天險保三吳將軍氣欲掃邊  
境渡江擊楫聲嗚嗚屯兵雍邱威燄赫羯賊膽寒頻敗北  
關河醜類盡來歸譙沛遺民咸仰德兩京未復功未成妖  
星夜照鎮西營天不祐晉將軍歿千載英雄長涕零

觀明皇秉燭夜游圖

沉香亭上烏飛速歌吹未終宮漏促歡娛不足可奈何夜  
遊更秉西園燭銀盤萬炬照天紅恍如赤日行晴空更將  
羯鼓催花柳共言聖主真天公太真娉婷奉卮酒願上天  
家千萬壽隋家天子放流螢熠燿微光詎能久伶官再拜  
前致詞祇今四海皆熙熙將有祿山相林甫聖人不樂復



何爲念奴高歌八姨舞鱗膾駝峯薦雕俎明朝且放紫宸  
朝翠帳醒來日方午金雞帳裏臥猪龍內寵不減昔泰宮  
昏昏醉夢日夜夜豈有興衰在眼中桃林一戰血沒踝薄  
暮不見平安火蒼茫西出馬嵬坡驛舍無燈相枕臥斜谷  
鈴聲暮雨寒歸來無復舊時歡霜凝鴛瓦不成寐怨對孤  
燈夜未闌

題金章宗畫圖

混同江上黑龍起雄據中原慕文治欲令頑礦變精金文  
物直追周漢美明昌天子世宗孫善書善畫兼善文揮毫  
拂素貌騏驎神妙不數曹將軍龍鬣鳳臆眞無比汗血猶  
沾渥洼水汧陽雲錦非不多如此權竒能有幾憶昔武元

起海東從騎躩蹠皆游龍西馳木葉嵐沙靜南躡大梁榛  
棘空梁王已死陳王戮飲馬泉荒無首藉天閑十二俱下  
材薄蹄秃尾空多肉此圖想是建國初明昌以後此馬無  
北荒鐵騎忽馳驟山後山前草木枯

張桓侯廟

車騎將軍蓋世雄蚤年仗劍從真龍並遊惟許多髯翁俯  
視餘子猶沙蟲曹瞞欺天悖且兇欲移漢鼎歸鄴宮將軍  
背裂髮上衝忠憤凜凜摩蒼穹佐佑昭烈剪蒿蓬威如虓  
虎氣若虹提戈斬級無怛容萬衆莫敢嬰其鋒取荆兼益  
啓漢中重嘯炎燼光曠曠剖符遂受徹侯封帶礪河山誓  
始終天不祥漢遭禍凶變生肘腋殞厥躬飄然騎箕返太

空在帝左右佐化工殄戮癘鬼驅螟螽嘉陵江上廟宇崇  
吏民薦享誠且恭鳳笙鳴鳴鼓逢逢颺車雲馬紛來降斷  
碑苔蘚何重重誰操巨筆曾南豐光明俊偉星斗同功名  
何必上景鐘斯文足表將軍忠威靈赫赫垂無窮

讀西臺慟哭記

北風怒撼龍舟覆十萬貔貅葬魚腹廬陵魁輔死燕山頸  
血化爲原草綠當時門下多俊材烏散雲消那敢哭裂冠  
毀冕彼何人俯首穹廬食讎粟轅門從事抱孤憤芒屨潛  
行巖瀨曲肯隨留葉立新朝甘與方吳臥空谷遡風直上  
千仞臺采采溪毛薦寒淅歌殘楚些招不來蕭瑟寒飈振  
林木仰天長慟天亦愁山鬼驚啼猿躑躅冬青樹下頻往

還淚眼摩挲望天目鳳逝龍亡王氣消日暮鷺鳥止誰屋  
褰裳幾度濯江濤尚恐邊塵浼吾足帝曰巫陽汝下招促  
駕青虬歸玉局饒歌騎吹世空傳月表未成竟誰續毅魄  
雖埋神不沒仙遊想在文山麓歸然荒冢釣臺東我欲乘  
風真醜醜

蘇墨亭

都水主事山陽尹君治徐州祺得蘇文忠公題名  
于亂石中其文曰郡守蘇軾山人張天驥詩僧道  
潛月中遊若洗滌汗垢識爲坡書昇置其視事之  
所作亭以覆之翰林學士徐先生題其亭曰蘇墨  
過而覽者咸有賦詠焉噫君之於文忠公之遺墨

寶愛之如此則於公之平生風節所向慕者深矣

彭城太守眉山翁雄詞勁節人中龍叩關連疏詆新法一  
麾來此綏疲瘵雲龍山人亦超絕每馭仙禽邇天末詩僧  
况復有參寥耻與貫休較工拙長空月白玉宇秋扁舟載  
月袂邊游塵襟蕩滌殆欲盡便疑身世在瀛洲瓊樓貝闕  
涼如洗月華倒蘸金尊裏酒酣俯視塵中人喪盜醯雞飛  
復止醉磨山骨題姓名金戈寶劍何稜稜不知埋沒幾百  
載夜深尚有虹光騰多才水部偏好古得此方珉礪上土  
剌苔滌垢識坡書寶愛不啻岐陽鼓芳亭彩檻深且崇壯  
夫昇來置其中細觀頓覺心神肅姿媚豈與黃庭同吳興  
墨妙委芳草學士新題名更好千年化鶴倘來歸再與摛

詞美萃老

題陰崖舞鳳圖

畫船昨泛湘江曲江上蕭疎森紫玉天邊彩鳳忽飛來羽  
毛猶帶湘雲綠陰崖曉霽暖煙消翠蕤飛舞風翛翛九疑  
凝黛湘波靜林間彷彿聞簫韶黃陵廟前春欲暮鷓鴣啼  
斷斑斑雨好向虞廷覽德輝碧梧萃萃搏桑曙

三臺懷古

長安市中歌布乎關東盟主推本初帝胄崎嶇西入蜀孫  
郎慷慨南吞吳奸闖遺允最桀黠奮戈頓地地欲裂黃雲  
條起翳長空黯黯炎精竟淪滅輕車勁卒入鄴宮袁家豚  
犬走遼東燕姬趙女了無夫祇留姐已賜周公三臺高築

漳河曲勢擬未央與天祿璇題翠瓦絢晴霄傑閣危闌壓  
王屋身都冀郡帝許昌時來奉帝歸山陽弱寡欺孤似孤  
媚私心却欲擬文王成濟抽戈南闕下崇基旋已歸司馬  
總帷艷骨已成塵至今惟有當年瓦西陵疑冢何纍纍我  
來弔古增歔歔欲呼斗酒招文舉共論曹瞞弱漢時

出獵圍

陰山寒颯捲晴雪白草蕭蕭凍欲折戎王校獵曉合圍萬  
騎蹴冰如蹴鐵狐裘貂帽紫紵絛絛上凌大磧下深壕敵騎  
咆哮聲震地毛羣無計可潛逃駕鵝憂憂來何許一片晴  
雲蔽天宇海青直上鷲且雄西刻平蕪洒紅雨紛飛鷗鷺  
與鷺鴒雨血風毛墮獵場羣酋獻獲戎王笑割鮮野食駝

蹄香金輪半墜西山缺鏡管啣嚙向區脫解鞍繫馬未肯  
眠笑擊黃獐飲其血白旂忽動助難河猛士更比金源多  
柴潭已涸蔡州破狡兔雖肥不示爾何

秋夜搗衣曲

高梧露墜銀床冷宮漏沉沉夜初永碧落無雲月正中樓  
臺澗漾玻璃影輕移芳屣下空庭未拂瑤砧已愴情玉腕  
徐揮搗寒素丁東寫出斷腸聲非絲非竹亦非木碎珮繁  
鈴斷還續壯如巫峽瀉春濤清似寒溪漱鳴玉商聲嗚咽  
微聲悲散入秋空遠更微公主辭唐嫁回紇文姬歸漢別  
關氏乍沈乍振聲尤苦顧影無言淚如雨嚴陵臺上哭孤  
臣白傅舟中泣商婦砧聲轉急愁轉深栖烏驚起啼霜林



長風吹入征夫耳應識秋闈悵望心

題獅子圖

苾溪之域弱水濱金精下降毓怪珍偉哉狡狴產此地雄  
姿猛態夔絕倫雙睛睒睒電流赤勁爪銛牙作劍戟空山  
怒吼轟春雷百獸聞之皆辟易饑來不食麋鹿羣搏犀拉  
象如孤狔幾迴渴飲龍門涘積石半露餘波渾聖皇端拱  
位皇極月竈冰天皆仰德荒夷得此不敢留繫以金繩獻  
京國脩途萬里經流沙羣動懾竄不敢譁尾端尚帶昆侖  
霧口角仍含葱嶺霞彤軒文陛麗晴旭遙望龍顏自馴伏  
低頭安尾體態閑黃毳蒼髯絢人目皇威遠被萬國寧長  
楊靈崗多祥禎獅兮獅兮斂鷲猛長與騶虞作隊行

建國樓在大梁

銀槍已降鐵槍死建國樓傾土花紫午溝王氣澹秋煙始  
信太原真有子唐家季葉如亂蓬芒碭雲深蛇化龍初從  
劇盜旋納款授節賜名恩寵隆西摧強晉東遷洛雪滿紇  
干凍死雀窮克極惡甚阿瞞况復牆茨恣淫樂氣盈志足  
誇成功翬飛傑閣凌蒼穹封邱門外晉王至阿兒血濺雕  
楹紅惜哉未按王敦例剖棺戮尸示當世何人獻諂誤莊  
宗欲借太阿斬全義

過鷄冠隘弔曹將軍

將軍諱友聞舉進士調天水教授會蒙古攻城料  
合義兵拒之敵解圍去制置使製大旗書滿身膽

以表之且檄控扼蜀口有功累遷驍衛大將軍已而蒙古合女真吐蕃回紇之兵五十餘萬入寇將軍與弟友萬拒戰于此死傷無算血流二十里救兵不至兄弟俱死于陣全軍盡沒無一降者嗚呼

烈哉

曹將軍素虜闕帥聞稱爲滿身膽橫戈躍馬剪天驕赤霧彌空天氣慘戰塵瀕洞斂山摧青野原頭萬騎來漢川士女走失魄嬰孺棄擲聲哀哀將軍慷慨髮上指兄弟齊驅誓同死右持龍劍左蛇矛斬刈羣凶如斬豕雞冠隘口血成河健馬強兵來益多風淒雨急敵氛惡天不祚宋將如何喧呼動地地欲裂凍鼓無聲寶刀折綿裘濕透足難移

猶奮空拳抗金鏃虎倒龍顛互啖吞山川震眩腥霾昏  
聲愈高頭已斷怒氣勃勃如生存君不見呂家兄弟降旗  
豎遺臭至今誰比數將軍死去三百年赫赫英名照今古

尹內翰家山圖

南山凌蒼冥北山屹絕壁美人愛山住山中恍似當年謝  
安石清溪一帶緣桃花春流滉漾蒸紅霞漁郎到此驚且  
喜祇疑誤入仙人家草堂數間蔭喬木知是美人讀書屋  
晴峰當戶開秋渠飛瀑縈林漱寒玉一從獻策來皇都西  
清東觀恩籠殊長楊不奏子雲賦石室還紬太史書閑來  
却憶釣游處桑梓迢迢隔煙霧舊時猿鶴今何如應怨山  
人不歸去何人寫此家山圖長林遠岫春糝糊墨雲翻空

太陰黑妙筆直與造化俱山腰小徑僅如髮細看尚恐苔  
花滑斷崖老樹杳莫窺似聽孤猿啼夜月蹇予舊住金嶂  
西別來芳草應萋萋對此新圖憶邱壑歸心便逐秋鴻飛  
人生無如歸去好莫使山中迹如掃何當訪子三顧山共  
荷長櫂拾瑤草

賦得君馬黃贈錢憲使

君馬黃我馬白君馬紫絲韁我馬黃金勒榕城雨霽炎埃  
清聯鑣共出城南陌城南綠陰涼似洗下馬班荆話疇昔  
君才卓犖非尋常蚤峩金豸承恩光西登岷峨北太行鷺  
車所歷飛秋霜闕山千里海爲疆帝遣侍臣撫疲甿青冥  
空闊孤隼翔當道無復豺與狼往年玉節臨上杭鼙鼙騰

破狡穴荒去年樓船泛東洋支那帖耳海若藏才名籍甚  
范與張薦剡如雲上廟堂詔遷憲使總臺綱馳馬行行過  
故鄉到家未詫銀黃好且喜堂中親未老赤麟爲脯玉爲  
漿綵服承歡母草草交遊似我情最親鴛花同醉曲江春  
聞君峻擢喜欲舞惜君遠別還成嘔兩情繾綣何時已且  
拚一醉綠陰裏驪駒歌罷玉餅空笑指三山暮煙紫君馬  
去我馬歸明朝兩地遙相憶滇雲閩樹同依依

讀余玠遺愛碑

蒙古入蜀殺戮幾無噍類余玠以龍圖學士帥蜀  
據險築城蒐兵養士通商勸農蜀人始有生意時  
宰信偏裨之譖喉臺諫論其罪召還竟以憂憤卒

其卒也蜀人哀之如悲親戚玠死未幾而蒙古長  
驅取宋矣眉山黃大有作玠遺愛碑具載蜀受禍  
之慘與玠再造之功視宋史尤詳予讀而悲之賦  
短歌以識其事嗟夫士君子懷忠死節而困於讒  
口者多矣豈獨玠哉

北風蕭蕭戰血腥殺氣晝壓蠶叢城將軍俯首送降表况  
敢仰視攫其兵龍圖學士奮戈起隻手欲障橫流水冉家  
兄弟亦英雄獻策魚山築高壘連雲戰格控黔中鐵馬金  
戈氣勢雄蕃兵睥視不敢近兩川再造伊誰功青蠅紛飛  
點白壁臺諫承風競彈擊指忠爲逆逆爲忠志士含冤氣  
填臆萬里長城忽自摧蜀中士女空悲哀猘獠從此蹂吳

甸金闕瓊樓起戰埃招賢亭館今安在尚有殘碑記遺愛  
欲持杯酒酬忠魂彷彿雲間見麾蓋君不見馬伏波蠻兵  
未破謗已多又不見岳武穆狂敵未誅家已覆功名自昔  
保全難烏盡弓藏世共嘆江頭廢壘苔花紫千載英雄掩  
淚看

浙寇敗走詩以識喜

幽壑颺颺畫嘯號駢駟牡敢辭勞霜凝玉斧妖氛豁雲  
擁牙旗殺氣高荒壘羈魂飛夜燐長溪戰血漲春濤歸來  
不用歌鏡曲皎月當臺詠載藥

廷珍憲副以詩賀予平寇次韻答之

綠林妖祲喜初收畫戟歸來得自由野戍花深無戰騎平



田草綠有耕牛成功自愧非彬甫憂國誰憐似子牟多謝  
故人傳秀句瓊瑤乏報祇增羞

將之福清過南臺偶成

宿雨初收絕點埃煌煌鳳節出南臺長林怪鳥啼猶急孤  
嶼妖氛鬱未開滅竈謾懷虞謝策運籌誰是子房才薇垣  
諸老方盤樂肯念嗷嗷鴻鴈來

擬唐人送宮人入道

金屋蹉跎雪滿顛官家有詔許求仙夜眠不作湘雲夢曉  
颯應忘壁月篇好共采鸞遊濟沅休教飛燕妬嬋娟碧桃  
花底吹笙處猶似承恩侍御筵

仙袂飄飄出漢宮從今罷聽景陽鐘肯題紅葉傳幽怨祇

煉黃芽駐舊容上苑昔年春闕草空壇此際夜依松白頭  
阿監遙相憶知在蓬山第幾重

霞裾廿載侍昭陽喜逐飛瓊事紫皇塵夢已知殊鶴夢道  
粧應覺勝宮粧朝真曉步瑤池月搗藥宵分玉杵霜料得  
未忘恩顧厚丹成還擬獻君王

送羅應奎左遷提舉

內翰羅先生以進士大魁擢居侍從抗疏陳國家  
大計坐是出提舉福建市舶先生起自疏遠立朝  
未百日乃能言人所不敢言吾曹終歲默默不能  
有所建白聞先生之風愧死矣故於先生之行也  
賦詩以贈之

曉捧函書叩帝廷，宸旒垂聽具臣驚。  
丹心耿耿明秋日，勁氣稜稜薄太清。  
鄒浩犯顏非賣直，陽城伏閣豈要名。  
此行不比湘潭謫，莫賦騷辭弔屈平。

挽鮑黃門輝

落日風吹戰血腥，黑雲慘澹壓邊城。  
祇知大義干鈞重，直視微軀一羽輕。  
死去無慚周富子，生還不似漢蘇卿。  
英魂不共陰飈散，願化機槍墮敵營。

甘肅元旦次朱都憲韻

玉關雪霽絕狼煙，殊勝呼韓歛塞年。  
萬竈貔貅森列衛，兩班冠劔儼羣仙。  
明珠翡翠來重譯，卉服氍毹共一天。  
羽檄不飛刁斗靜，蚤看嘉績勒燕然。

送李黃門孟暘使占城

金函頒詔出彤墀，特命儒臣撫島夷。  
龍節遠稽周典禮，鷄林重覩漢官儀。  
海雲斂色迎丹仗，水怪潛形避絳旗。  
路過越裳煩告諭，皇家威德邁周時。

絳陽道中謾成

城郭蕭條村落空，潸然清淚墮西風。  
萑蒲有道如朱粲，郡邑何人似鄭公。  
雲暗荒郊啼餒鬼，日斜古道泣衰翁。  
獨慚未有匡時策，翹首蒼冥祝歲豐。

送張啟昭

鄉邦交誼最相親，忍向離筵勸酒頻。  
抗疏但求裨聖治，論思端不忝詞臣。  
自憐石介非狂士，任詆西山是小人。  
暫別

鑿城非遠謫莫將辭賦弔靈均

閑居述懷

萬里歸來已白頭溪風山月思悠悠  
黃河鐵騎成春夢錦水牙檣憶舊遊  
病後更添元凱癖閑中還抱杞人憂  
桃花流水知何處願與漁郎共放舟

石牛驛次南谷韻

苦雨炎風促去程此心不爲世間名  
願將幾滴天瓢水洗閩山萬壑清

訊翰稍暇偶閱唐人王建宮詞愛其寓興深遠頗得  
國風離騷之旨因擬作四章錄呈易庵兼東南谷年  
兄

花貌宮娃老掖庭承恩元不在傾城披香殿上開春讌閒  
看羣姬弄化生

憔悴無心對鏡臺燕釵象插鎖塵埃昭陽自有身輕者肯  
放羊車夜半來

織眉如月鬢如蟬金屋栖遲十二年別院昭容新繫臂而  
今已賜洗兒錢

碧梧淅淅送秋聲坐倚銀床百感生誰向御溝題落葉不  
知溝水最無情

渭水秋風圖

剪得秦川半畝雲晴窗鳳羽翠紛紛狂飈莫苦相摧折清  
廟筍韶待此君

行臺有花名剪春羅一夕盛開時浙寇入境予與景  
澄督兵討之賊敗走因戲成詩一絕云

劍倚晴雲殺氣高  
馳驅破抱弓  
嗥天公應欲行勛賞  
故剪春羅製絳袍

錄村嫗言

芮城有村嫗坐豆畦間呼兒而哭問之則曰有女  
年十五換得豌豆三斗種之冀以療飢今天旱而  
豆槁矣徒使母子離散終不免餓死也

賣却嬌兒換豆歸  
豈知種豆盡爲其空  
令骨肉東西散不  
得杯羹療母饑

胡靖

靖初名德盛字汝寧德興人景泰五年進士官御史風裁凜然轉陝西僉事籌畫邊務境內寧謐累官山東布政使

少華山

江南何處是仙家孤柱擎空見少華洞裏有天開紫府人間無地覓丹砂靈壇風雨莓苔匝福地乾坤歲月賒方外更聞王子晉金銀樓閣住煙霞

王恕

恕字尙忠湖口人諳天象精兵法景泰五年進士以兵部主事累官廣東叅議佐韓雍奏平徭功入南溟染瘴癘卒



石鐘山

彭蠡上下石鐘山下映澄波  
碧潏潏山峯巢業立千尺巉  
巖幽壑難躋攀崑崙磅礴勢  
獨異介乎吳楚聳觀視總納  
江南萬派流形勝尊如六軍  
帥兩山各有古招提嗟峨樓  
閣浮雲齊顧我讀書愛習靜  
負笈來向山中棲一日大風  
發沆漭洪濤擊石作鐘響寺  
僧指我遍遊觀巖穴深深幾  
千丈危乎高哉上石鐘南迎  
五老香爐峯巖壁障天鐵花  
秀上有鸛鶴巢雲松山前礫  
柯石迴繞全類假山得天巧  
漁翁垂釣石上來水漲渾如  
海中島下石鐘山空洞幽陰  
深疑是蛟龍湫紛紛蠕蠕如  
鴉大古屋空洞懸虛舟巔崖  
亦有竒怪石危磴險臨缺木  
屐高高低低壁立處不識何

時人刻畫學窠大字八分書風雨薄蝕書模糊此鐘不入  
東序奏此石不許南宮圖石鐘石鐘鎮江右上映蒼穹翼  
軫宿鏗鉤長得自然音渾似鈞天廣樂奏餘音縹緲徹江  
涓獨許漁工篙客知鄴元水經注不備翻使過者生驚疑  
何當少室訪穿洞便扣雙石如磬控音分南北愈差訛長  
篇枉繼神雀頌坡仙過此獨關情放舟絕壁月正明乃知  
巖下皆穴竅風濤都作噌吰聲噌吰如鐘復如鼓窾坎鞀  
鞞類擊拊此曾勒記垂高崖年來崩裂墜江澣平園先生  
當南歸游觀欲究石鐘微比聞水涯有奇響傾耳聽到宮  
商希山川勝概滿天下似茲石鐘奇絕寡從來好事皆登  
臨縱不知音亦心寫憶昔皇祖擁義兵初擒僞漢來淦城

神謨駐此成大捷石鐘名與乾坤爭士夫紛紛發清興題  
詩不滅宋元盛我當收拾投奚囊用作石鐘千古證

俞適

適字至中號筠谷信豐人通敏有器識景泰中詔  
舉懷才抱德不就有筠谷橫槩諸集

寶塔寺

隱隱浮屠寶刹開登臨何異古層臺河山一帶分高下日  
月雙丸任往來夜靜風鈴驚鸛鵲年深春雨長莓苔欲題  
名姓傳千古疎懶慚無及第才

覽秀亭

孤亭高倚古城阿勝日登臨載酒過山勢南來通百粵江

聲北折走黃河雨中春樹高低見檻外雲林紫翠多俯仰  
乾坤幾回首高峯千古獨嵯峨

劉志

志萍鄉人景泰間鄉貢官趙府教授有鳳山稿

湘東夕照

湘東返照落江虛錦浪粼粼畫不如白藕花寒人渡後青  
山雲淡雁來初悠揚牧笛平沙遠斷續僧鐘古木疎西岸  
夕陽東岸影幾多好景在桑榆

吳與弼

與弼字子傅號康齋崇仁人潛心理學陳白沙吳  
敬齋俱師之天順初以石亨薦徵至京拜左春坊

左諭德辭不就  
有康齋集

秋晚

風來夜枕寒雲宿  
曉窗雨旅思共秋生  
遙思故山侶

曉立

靈臺清曉玉無瑕  
獨立東風玩物華  
春氣夜來深幾許  
小桃又放兩三花

黃嵐坑

連山桃李開晴光  
爛如許寧知明日花  
不有今宵雨

白楊院

策馬平橋又問禪  
萋迷春草月娟娟  
蕭然一榻空山夢  
夜半溪聲落枕邊

下密寺

瞋色忙衝倦客旋，寒燈又宿下密禪。  
憶從天上歸來日，明月清霜夜半船。

寓寶應寺

晝夢無人覺，春窗一味幽。  
芳心憐露草，清韻愛晴鳩。  
蹤跡何須泥，琴書且暫留。  
微吟時出院，隨意弄寒流。

重至寶應寺

古塔多高興，重臨又幾年。  
雲煙清曉際，花柳仲春天。  
病眼得無恙，塵襟已曠然。  
題詩人欲去，好鳥正蹁躚。

題柏堂

并序

郡庠生周圻生三歲而父沒，母黃年二十六以節

自誓嘗手植二柏于墓今木已拱而黃亦六十矣  
予之復歸種湖也與圻好尤密且嘉吾鄉之有善  
事故樂道而爲詩

露根添得隴頭寒翠蓋凌空已鬱盤歲月尚思親手植風  
霜幾向斷腸看苦心循是天眞易峻節當茲末俗難珍重  
孝思能不匱高堂特筆障狂瀾

發張家石至打石港

黃昏西北浮雲斂清曉東南霽月明紅日滿窗春睡穩拍  
天新漲棹歌聲

宿樓撫庵

歇馬高林是水邊時從明月弄清漣不知浩蕩滄溟上萬

折東溪路幾千

眞應觀

細雨長途暝投裝處處難如何高枕夜清興在前山

弋陽道中望圭峰諸山

峭拔立雲端能生逆旅歡惜無摩詰手移向畫圖看

登擬峴臺

地據東南勝壘分襄楚名人煙縈近市山色滿秋城愁逐  
登臨散神因眺望清窮通看萬物未易達浮生

宿漸嶺

漠漠涼雲橫綠水澄澄秋水映黃昏遠來客舸落沙際寒  
犬一聲何處村



蕭子鵬

子鵬字宜冲新淦人以薦授嘉興府學教授有雲

邱子集

欲遊羅浮不果

羅浮青壓海門東雲淨江樓入望通四百峯頭千樹雪夢  
魂飛渡月明中

徐瓊

瓊字時庸金谿人天順元年進士廷對第二幼讀  
書日數行下官編修與修英廟實錄大明一統志  
氣度端雅得古大臣風羅圭峰稱其有三不近名  
歷禮部尚書加太子太保致仕卒有東谷文集

金玉臺懷古

三十侍彤闈大隱玩朝市矧乃赤松遊足抗青雲志養真  
不外采炯介敦明懿迴溪蕩昭融層阜出宏麗朝暎彩鷲  
明夜魄潛虬媚覽古悵悠哉風景忽云異金梳亦以燕金  
隄亦以潰誰使白渠成慰我滄洲意

金石臺保養天和精舍

并序

臺在仙隱觀之右宋司封郎中林夢英藏書山房  
遺址也瓊致仕奉勅諭曰卿其歸而保養天和恐  
負聖意買山作精舍表以保養天和云

大哉皇言一皇心賜臣寶翰重魯琛還歸服膺頌玉音賣  
金買山城之陰金石臺阿盤而深爰作精舍松栢林臨汝

匯東清遶溥仙桂龍會秀四岑王郭仙駟舊駐臨崆峒真  
境不外尋天氣沖和絕氛祲四時熙春蓄靡侵仰天鷲飛  
碧雲深俯淵魚躍蒼龍吟朝吸沆瀣暮溫燁靜觀物理探  
古今乾坤清淑收滿襟後天下樂而不滯感諭曷盡祝頌  
忱協和萬邦致堯欽

周謨

謨字守謨新淦人天順元年進士剛方易直歷官  
陝西按察司副使番民感化乞休歸有東臬集

新修寺

寺閣山腰別築臺光明真爲老僧開喜無俗客閑來往幸  
有良工細剪裁入世應知同托鉢渡河每見獨乘杯清吟

刺得劉郎句凜凜風霜入隴梅

送蕭嘉義之官惠州

十年故舊異行藏把鏡齊看鬢有霜  
栗里久慙歸靖節惠州今喜得王祥  
山田名困須輕賦海檄風馳少縱觴  
老我靜棲門久杜佇聽嘉譽報循良

送子回會試

聖代張賢網春官會俊才念渠當壯節  
乘傳上金臺杯酒聊爲別中懷好自開  
萬言資治策及早獻蓬萊

清晨扶老病送子遠朝天接武非難事  
登科貴壯年扶搖程九萬禮樂字三千  
丹陛詳數對臚聲聽首傳

挽羅一峰

寒窗京國話綢繆一作參商幾度秋補袞有才君獨異安邊無策我難酬正思雲水餘生樂忽動山邱後死憂回首金牛峯百里隻雞未奠恨悠悠

寓淦城舒懷

春風浩蕩捲晴沙幾日征車未到家料得東臯桃李樹已應開到二分花

左贊

贊字時翊號桂坡南城人瑞子天順元年進士七歲能詩長博學善隸書歷官廣東布政使乞休有桂坡偶錄歷解易覽諸書及文集

遊從姑山

勝境重來又十年山中風景故依然危厓俯瞰雙江水古  
竇微開一線天夾道松筠森晚翠滿城樓閣倚晴煙白鷗  
波外浮雲淨目送飛帆到日邊

麻姑山

路入雲關亂白雲仙都樓觀幾朝曠苔深雨逕留腐迹芝  
滿春田下鶴羣丹井不逢勾漏令玉壇空憶紫陽君高懷  
誰似陶宏景共聽松風到夜分

會仙堂招飲和羅一峯

道人飲我紫霞觴竹裏行庖異饌香醉後星壇空竚立白  
雲滿地月蒼蒼

左賢

賢字時彥南城人瑞猶子宛平籍天順元年進士  
累官河南布政司參議

遊麻姑山

遊宦歸來四十年故園風景尚依然翠微深處煙霞暖先  
漱神功釀酒泉

方平曾此話滄桑畢竟仙家日月長游興未終人去盡亂  
禽啼處又斜陽

琪宮原是蔡經家碧玉蓮開幾度花清曉滿階霜葉醉猶  
疑仙子擲丹砂

巖彪

彪字弼中鄱陽人天順三年鄉舉明年中乙榜就

訓歸安改建陽考最得擢縣力辭陞山陰教諭病  
足致仕歸自謂母老可就教職性淡可辭熱官足  
疾可早引退號三可人稱三可先生

重陽同周方伯邱太守禪林耆會分得微字

曉來聯轡出郊圻乘醉登臨興不違看菊已過元亮徑尋  
詩又扣遠公扉碧雲樓閣青山近紅葉江村白雁飛拭目  
直須凌絕頂蒼茫五老望中微

李穆

穆字元載號寄寄泰和人天順三年以虎賁左衛  
軍餘中應天鄉試任南樂訓導有寄寄集

宣梵院



登科巷北隱叢林此日重遊感慨深同學故人多顯達舊  
時老衲盡銷沉僧田半作蛟龍窟佛法難回犬豕心惟有  
殿前雙檜樹歲寒相守到如今

登快閣

與客攜壺上挹清緇簾高捲賞春晴世無劉表容王粲詩  
服元暉號永明地迴不聞人笑語天寬贏得眼縱橫明晨  
有約還來此珍重吾曹莫背盟

邱 霽

霽字時雍鄱陽人天順四年進士歷官蘇州知府  
有草堂集

客中思鄱陽

才疎無宦況客久動歸心伯玉知非昨淵明覺是今登山  
尋尺玉何路惜分陰漫共相知友聊歌梁父吟

張元正

元正字廷祥南昌人天順四年進士累官吏部左  
侍郎兼翰林院學士掌詹事府事諡文恪有東白  
先生集

游東郊

招提回首日沈西十里香風送馬蹄不是習家池上飲傍  
人休笑醉如泥

彭教

教字敷五吉水人天順八年進士廷對第一授翰

林修撰文章多奇氣爲朝士所重預修英廟實錄  
進侍講銳意輔導志未竟而卒有瀧江集

蕭瀧八景

雲噓鳥道

不見山中只見山中樹欲呼雲鶴來騎上山頭去

月印龍潭

一月在天心影落寒潭底閒撫曲欄杆問龍何日起

古臺垂釣

水光山色中風景應如昔漁翁安在哉空臥江邊石

野渡橫梭

魚鳥如穿梭孤舟少來往風水自成文不聞機杼響

危灘噴雪

狂瀾飛雪花中流屹砥柱始皇何太愚神鞭驅不去

瑞石棲霞

元氣所薰蒸精華縱發越水面落霞飛光映江邊月

橋頭飛練

靈機響得來天風忽吹落雲奔入江沙驚起雙飛鶴

水口橫屏

文昌此襟喉屹然一藩屏漁郎來問津疑是桃源境

羅璟

璟字明仲泰和人天順八年進士廷對第二授編

修進修撰預修宋元通鑑綱目宏治初官南京祭

酒

遊觀山

訪俗春初盡尋幽日未晡遺蹤分探索竒賞共招呼牛吼  
江聲遠蛙鳴泉竅枯有巖藏牧豎無地着浮屠亂石勾行  
袂支流隱去途竹搖青葆合草長翠茵鋪泥濕飛晴燕橋  
危立暝烏牛閑眠小運雉舉出高牖劫火嗟前代傳燈散  
佛徒野蛟奔處險山鬼嘯時孤雅句留山谷清狂憶鑑湖  
浪遊眞落魄勝築久模糊松古宜巢鶴窰空訝穴狐懸崖  
棲鶴子方沼泛鳧雛一水橫腰帶羣峯列背圖越臺猶掩  
映陣壘已荒蕪嶺峻雲常繞渠深田故腴路長歸驥蹏天  
晚怯於菟拂水新栽稻沿溪漸長蒲塍頭鳴閣閣陸擘響

嗚嗚儘可供詩料何當問酒壚吟豪頻索和醉健不須扶  
質樸惟宗老謳歌仰帝虞不曾愁戚戚偏解樂于于翠柏  
庭前植清泉澗底對迴思簪紱累便欲伴桑榆

傅 瀚

瀚字曰川新喻人嗜學強記善詩文天順八年進  
士官檢討累遷至禮部尚書章疏條奏率傳正義  
朝論貴之卒贈太子太保諡文穆

鶴原泣別圖侍御黎楚蒙別其兄敬齋出宰香山而  
作也諸先達感而賦之用廢一律

踏雪飛鴻無定踪塌簾長恨阻相逢風前月下人千里地  
北天南意萬重中夜池塘驚草夢清時雨露滿花封京華

會合還分手愁對離杯琥珀濃

戴珊

珊字廷珍浮梁人天順八年進士由御史歷副都御史撫治鄖陽平蜀盜再遷左都御史孝宗知其廉袖金賚之以老疾數乞休溫旨勉留委任益力乃泣曰臣死是官矣辛贈太子太保諡恭簡

野翁亭

白首耽儒術逃名自野居浮雲看富貴醇酒戀樵漁西澗孤松月南陽一草廬樊籠何日脫雅趣共琴書

建德道中卽事

一舍西來路停驂日未斜雲山澗澹處茆屋兩三家舊俗

憐從儉方言認不差  
洒然心對月竹影上窗紗

鄭節

節字從儉號草峰貴溪人  
祺子天順八年進士讀  
書經目不忘授南臺御史  
疏屢上皆切時弊考滿  
歸構草峰書院講學不倦  
以所進明良錄爲怨家  
所訐下獄尋釋還里卒私  
諡文毅先生

薌社會詩

薌社者英聚會問仙家樓閣卽香山  
牕臨碧沼月先得天  
近朱闌星可攀朱席亦容君  
實與後車宜載子牙還盤桓  
爲撫孤松樹夜靜都應鶴守關

集天冠山一綫天



未能適道莫言權不近塵凡卽是仙薌社芳名薰草木雞  
壇高誼薄雲天松枝晚傲嚴冬雪藜杖晴分午夜煙擊壤  
康衢歌聖澤無名翁豈是前賢

消息繇來造化權長生底事慕神仙玉壺金薌閒中趣明  
月清風靜裏天映帶忽看官道柳氤氳猶想御爐煙行吟  
伐木空山裏未忘羣公侍集賢

計禮

禮浮梁人天順八年進士官土事

陽府寺

剗閒尋古剎避俗解煩襟風竹與秋語澗泉多古音佛臨  
金相重僧臥白雲深何事紅塵裏浮名尙絆心

黃矩

矩字憲則金谿人天順中以材德薦預纂英廟宣廟實錄及大明一統志著有林塘吟稿希古齋集  
崇正錄

陸象山先生墓

西風匹馬駐郵亭  
茆屋雞鳴尚未醒  
野寺秋聲三徑竹  
石橋雲氣一潭星  
寒欺短褐霜華白  
水落平田野蔓青  
師友家傳今寂寞  
欲移文字問山靈

孫奎

奎字啓文號曲澗居士瀘溪人天順間布衣積學  
敦行居喪廬墓六年以孝聞有曲澗集及史記辨

纂孫武子兵法諸書

鳳林村

錦里龍溪百世芳武階勲業制賢良林中細數臯比事節  
與文山日月長

胡居仁

居仁字叔心餘千人吳康齋門人與羅倫張元正  
友善築室山中以敬名其齋嘗主白鹿書院以布  
衣終從祀孔廟諡文敬著有居業錄及詩文集

閒居卽事

虛堂村落裏環堵任蕭然細草連階石香茶煮澗泉青山  
朝過雨綠樹晚含煙日用無餘事工夫付簡編

琴後絕句

柳影槐陰晝景長  
北窗閑客在羲皇  
素琴一曲知音少  
坐對南薰滿篆香

乘舟

新水漣漪宿雨收  
泛舟直下錦溪頭  
好風四至清衣袂  
信有長江五月秋

南谷

紅塵應不到青山  
新徙琴書入考槃  
茅舍竹籬閒處樂  
地爐松火靜中安  
數竿瘦竹風初靜  
滿樹寒梅雪未乾  
却笑山人多逸興  
詩成袖手面層巒

潘烈

烈字孝民號一庵南城人吳康齋門人事母至孝  
郡守謝士元以書薦之不就

過藍田

藍田傍午猶煙霧盡說山深有豺虎蒼苔滿徑行迹稀樹  
底湍流壯如鼓山禽格磔山蟬幽煩襟浙浙渾如秋直從  
一舍得平陸却喜滿目皆良疇時逢長老聊訪問言語嗚  
嗚顏休休爲言近來好官府我輩得以安鉏耰催科不煩  
煩暴革往昔凋瘵今來瘳樵山漁海田可稼衣食自足將  
何求聞之使我忽興嘆觀國於野真良猷

率 顥

顥字主敬安仁人天順中進士官至廣西參議致

仕後與子準等結九老社終身不入城市

耆樂會詩

結社桃源栗里間坐中人數似香山黃花籬落香猶好綠  
樹園林色未殷酒到三三杯盡滿詩成一一意俱閑况  
冬日天晴暖共擬從容步月還

江西詩徵卷五十一